

Broj: 02-14-7-8364/19

Datum: 29.11.2019. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14) i člana 110. Statuta Općine Jajce („Službene novine Općine Jajce“, broj 3/08) u postupku javne nabavke – konkurentskog zahtjeva za dostavu ponuda za radove koji se odnose na sanaciju mostova preko rijeke Vrbas u naselju Kamenice i Bravnice, čije obavještenje je objavljeno na portalu javnih nabavki pod brojem 1190-7-3-74-3-49/19 od 07.11.2019. godine, na preporuku Komisije za javne nabavke broj 02-14-7-8364/19 od 29.11.2019. godine, Općinski načelnik donosi

ODLUKU
o izboru najpovoljnijeg ponuđača

I

Prihvata se Preporuka Komisije za javne nabavke broj 02-14-7-8364/19 od 29.11.2019. godine i Ugovor o nabavci radova koji se odnose na sanaciju mostova preko rijeke Vrbas u naselju Bravnice i Kamenice, dodjeljuje se ponuđaču:

„TRIŠNIK“ d.o.o. Jajce

Konačna cijena radova koji su predmet postupka javne nabavke utvrđena je na osnovu ponude odabranog ponuđača broj 65-11/2019 od 18.11.2019. godine i provedene e-Aukcije, te ista sa uključenim PDV-om iznosi **26.271,88 KM** (slovima: dvadesetšesthiljadadvijestotinesedamdesetjedna i 88/100 konvertibilnih maraka).

II

Ponuđač iz tačke I ove Odluke ocijenjen je kao kvalifikovan, a njegova ponuda od svih kvalifikovanih ponuda je najpovoljnija prema kriteriju za dodjelu ugovora iz člana 64. stav (1) tačka b) Zakona o javnim nabavkama BiH (najniža cijena).

III

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

IV

U skladu sa članom 45. i 47. Zakona o javnim nabavkama BiH odabrani ponuđač iz tačke I ove odluke je dužan u roku od 5 dana od dana prijema ove odluke dostaviti Ugovornom organu dokumentaciju propisanu članom 45. i 47. Zakona o javnim nabavkama BiH koja je zahtijevana tenderskom dokumentacijom. U suprotnom, Ugovorni organ će postupiti u skladu sa članom 72. stav (3) Zakona o javnim nabavkama BiH.

Ove obaveze se oslobađa ponuđač ukoliko je nevedenu dokumentaciju dostavio u svojoj ponudi.

O b r a z l o ž e n j e

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku radova koji se odnose na sanaciju mostova preko rijeke Vrbas u naselju Kamenice i Bravnice, čije obavještenje je objavljeno na portalu javnih nabavki pod brojem 1190-7-3-74-3-49/19 od 07.11.2019. godine. U predmetnom postupku javne nabavke Rješenjem Općinskog načelnika broj 02-14-7-8364/19 od 07.11.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda, Izvještaj o toku i završetku e-Aukcije i Preporuku o izboru najpovoljnijeg ponuđača broj 02-14-7-8364/19 od 29.11.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da su blagovremeno zaprimljene 2 (dvije) ponude i to ponude privrednih društava:

1. „TRIŠNIK“ d.o.o. Jajce
2. Grupa ponuđača „STRUKTURA“ d.o.o. Jajce i „MRKONJIĆPUTEVI“ d.o.o. Mrkonjić Grad

Komisija je preuzela izvještaj o preuzimanju tenderske dokumentacije od strane ponuđača i utvrdila da su ponuđači preuzeli tendersku dokumentaciju sa Portala javnih nabavki.

Ocjenom zaprimljenih ponuda Komisija je utvrdila da su zaprimljene ponude dostavljene u skladu sa postavljenim uslovima u konkurentskom pozivu, tj. ponude sadrže tražena dokumenta te su ponuđači ocijenjeni kao kvalifikovani.

Nakon ocjene kvalifikacije ponuđača prešlo se na finansijsku evaluaciju ponuda te provjeri računskih operacija u cilju utvrđivanja eventualnih računskih greški. Prilikom provjere računskih operacija Komisija je uočila računsku grešku u ponudi ponuđača „TRIŠNIK“ d.o.o. Jajce. Ponuđaču je dana 21.11.2019. godine upućen zahtjev za prihvatanje ispravke računске greške i ponuđač je u ostavljenom roku dostavio odobrenje za ispravku. U ponudi drugog ponuđača Komisija je utvrdila da nema računskih grešaka.

Također, prilikom ocjene ponude ponuđača „TRIŠNIK“ d.o.o. Jajce Komisija je uočila da ponuda ima neprirodno niske elemente cijene ponude u skladu sa članom 66. Zakona o javnim nabavkama („Službeni glasnik BiH“, broj 39/14) i članom 17. stav (7) Upustva za pripremu tenderske dokumentacije i ponuda („Službeni glasnik BiH“, broj 90/14).

Dana 26.11.2018. godine ponuđaču je upućen zahtjev da u roku od 3 (tri) dana pojasni (obrazloži) cijenu svoje ponude dostavljene u predmetnom postupku javne nabavke. U ostavljenom roku ponuđač „TRIŠNIK“ d.o.o. Jajce je poslao pismeni odgovor na zahtjev za obrazloženjem cijene ponude. U svom odgovoru ponuđač je naveo, između ostalog, da je pjeskarenje kvaliteta S 2 ½ sa uračunatom količinom potrebnog abraziva za pjeskarenje, potrebnim količinama goriva za nesmetan rad opreme i antikoroziivna zaštita po traženoj tehnologiji iz tenderske dokumentacije po aktuelnim cijenama na tržištu. Ponuđač je naveo i da su navedene aktuelne cijene betona i AB i cijene na sanacionim radovima nedostajućih metalnih dijelova ograda kao i sanacioni radovi na oštećenim betonskim dijelovima rezultat izvođenja radova u toku tekuće godine. Sa obzirom na to da je ponuđač dao osnovano obrazloženje te da se cijena njegove ponude nalazi u okviru osiguranih sredstava za predmetnu nabavku, Komisija je ponudu prihvatila i nastavila postupak provođenja javne nabavke.

Tenderskom dokumentacijom u ovom postupku javne nabavke predviđeno je zakazivanje e-Aukcije. Prije zakazivanja iste, Komisija je utvrdila sljedeću rang-listu kvalifikovanih ponuđača (prema kriteriju najniža cijena):

1. „TRIŠNIK“ d.o.o. Jajce
 - ponuđena cijena sa PDV-om iznosi 26.271,88 KM
 - ponuda bez PDV-a iznosi **22.454,60 KM**
2. Grupa ponuđača „STRUKTURA“ d.o.o. Jajce i „MRKONJIĆPUTEVI“ d.o.o. Mrkonjić Grad
 - ponuđena cijena sa PDV-om iznosi 33.765,62 KM
 - ponuda bez PDV-a iznosi **28.859,50 KM**

Nakon e-Aukcije koja je zakazana za 28.11.2019. (početak e-aukcije 13:00 - završetak 13:10 sati) i na koju su pozvani kvalifikovani ponuđači, utvrđena je konačna rang-lista (prema kriteriju najniža cijena):

1. „TRIŠNIK“ d.o.o. Jajce
 - ponuđena cijena sa PDV-om iznosi 26.271,88 KM
 - ponuda bez PDV-a iznosi **22.454,60 KM**
2. Grupa ponuđača „STRUKTURA“ d.o.o. Jajce i „MRKONJIĆPUTEVI“ d.o.o. Mrkonjić Grad
 - ponuđena cijena sa PDV-om iznosi 33.765,62 KM
 - ponuda bez PDV-a iznosi **28.859,50 KM**

Komisija je preporučila Ugovornom organu da se u predmetnom postupku javne nabavke dodijeli ugovor prvorangiranom ponuđaču „TRIŠNIK“ d.o.o. Jajce.

Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a



Općinski načelnik
Edin Hozan